



23. April 2019

UPA 2019/48  
Aqqalu C.Jerimiassen

**FN-ip inuit innarluutillit pisinnaatitaaffii pillugit aalajangersagaanut Nunatta malitsitsinissaa qulakkeerniarlugu nuna tamakkerlugu iliuusissatut periusissiamik kingusinnerpaamik UPA 2020-mi saqqummiunneqartussamik Naalakkersuisut suliaqarnissaat pillugu Inatsisartut aalajangiiffgisasasattut siunnersuut.**

(Inuit Ataqtigiit Inatsisartuni ilaasortaataat)

Qanorluunniit politikikkut assigiinngitsigisumik qalipaateqaraluaanni tamattaalluta isumaqatigiiffigisinnaasarput tassaasoq naatsorsuutigisinnaavara, inuk innarluutilik uattut ilittullu inuummat naleqarmallu.

Akisussaaffeqarpugullumi innarluutilittagut illersussallugit, nunarsuullumi avannaarpiarsuani najugaqarnittataaq pitsorluttortagut, pisussinnaanngitsut assersuutigissagaanni unammillernartupilussuarmi inissisimatereerpaat.

Akuersaaginnarneqarsinnaanngqaarmi kikkut tamat ornittaagaatut taaneqartut inuit ilaannit iserfigineqarsinnaanngippata, uagutsitummi pisinnaatitaaffeqartutullu taagorniarlugit sooq taanna oqaaseq naammassisinnaanagulu atussuarput?

Siunnersuutigineqartumi kingusinnerpaamik UPA 2020-imi naalakkersuisut saqqummiussaqaarnissaat piumasarineqarpoq, taamaattorli naalakkersuisut naapigiummik suliaqarnerat allannguutissatut siunnersuummi tamanna UPA 2023-imut kinguartinneqarluni, erseqqissassuarpullu tamanna akuerinnginnatsigu, inuimmi sullitat utaqqisinneqarsinnaanngillat.

Taamaattoq takinerusumik oqaaseqarfigeqqinnangu, Atassummiik siunnersuut akuersaarparput, naalakkersuisullu allannguutissatut siunnersuutaat itigartittariaqarlugu siusinnerulaarsinnaasumut naapigiaarpalaannginnerat pillugu.